

# Ёдлаган сура ва оятларимизни унутмайлик!

Image not found or type unknown



09:00 / 06.06.2021 3018

تَضُرُّعَ لِقَامٍ مَّسْنُورٍ هِيَ لَعْلَلُ صَبَّيْنَا لَهَا عُنُقًا وَهِيَ لَعْلَلُ صَبَّيْنَا لَهَا عُنُقًا وَهِيَ لَعْلَلُ صَبَّيْنَا لَهَا عُنُقًا  
يَلَعَّ يَلَعَّ وَدَجَسَمًا لَنَا نَمْلُجُّرًا أَعْجَبُ أَدَقُّ لَيْتَحَ يَتَّمُّ أَرْوَجُ أَيْ لَعَّ  
لُجْرَ أَيْ تَوَائِي وَأَنْ أَرْقُلًا نَمِ رُوسُ نَمِ مَطْعًا أَبَدًا رَأْمَلَفَ يَتَّمُّ أُبُونُدُ  
يَذُمَّرَّتْ لَوْ دُوَادُ وَبَأُ هَاوَرِ، أَيْ سَنُّ مَث

Анас розияллоҳу анҳудан ривоят қилинади:

«Набий соллаллоҳу алайҳи васаллам:

«Менга умматимнинг ажрлари, ҳаттоки кишининг масжиддан чиқарган чўпи ҳам кўрсатилди. Менга умматимнинг гуноҳлари ҳам кўрсатилди. Бас, Қуръондан бир сура ёки оят берилган одам уни унутганидан кўра каттароқ гуноҳни кўрмадим», дедилар».

Абу Довуд ва Термизий ривоят қилганлар.

Шарҳ: Бир кишининг масжидга тушиб қолган чўпни олиб чиқиб ташлаши Пайғамбаримизга Ислон умматининг оладиган ажрлари қаторида кўрсатилиши масжидни пок сақлаш учун қилинадиган ишлар жуда ҳам фазилатли эканлигидан далолат бериб турибди. Шунинг учун ҳар доим масжидни пок тутишга ҳаракат қилишимиз лозим.

Шу билан бирга, бу ҳадиси шарифда бир одамнинг ёдлаган оят ёки сурасини такрорламай, ёдидан чиқариб қўйиши жуда ҳам катта гуноҳ эканлиги баён қилинмоқда.

Аллоҳ берган улкан неъмат – ёд олган оят ва сураларимизни доимо такрорлаб, ёдимиздан чиқармасликка ҳаракат қилмоғимиз зарур.

***«Ҳадис ва ҳаёт» китоби асосида тайёрланди***